

Nassaanik piginnittussaaneq pillugu inatsisip allanngortinnerata atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut (UPA2010/106)

Nioqqutissanik nalunaaqutsiisarneq pillugu inatsisip allanngortinnerata atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut (UPA2010/107)

(Atisanik) ilusilersuisarneq pillugu inatsisip atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut (UPA2010/108)

Atuinermi najoqqutassat pillugit inatsisip atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut (UPA2010/109)

(Aaqqiissutit sisamaasut ilaat inatsisip atuutereersunik nutarterinerupput, ilaasa nassaat aamma ilusilersukkat Kalaallit Nunaanni pilersinneqarsimasut illersornerulernissaannik atuutsilersuususaapput)

(Inuussutissarsiornermut Aatsitassanullu Naalakkersuisoq)

Tunngavilersuut

Ullumikkut siunissamilu ilaatigut atisassatut ilusilersukkat Kalaallit Nunaanni pilersinneqartassapput nunarsuarmioqatigiinni atorneqalersinnaasutut ilimanaateqarsinnaasut. Ilusilersukkat pitsaasut ilusilersuisuunngitsumit allanit assilineqarlutik aningaasarsiutit atorneqarnissaat aarlerinartuartarpoq. Taamaammat nunarsuarmioqatigiinni ilusilersukkat aamma illersorneqartarput. ”Uttorneqarsinnaanngitsunik” tamakkuninnga piginnittussaaneq illersornissaa, soorlu ilusilersugaq taamaattoq, nutarterneqarnissaa qangalili pisariaqalersimavoq.

Taamaammat Naalakkersuisut inassutigaat, ”uttorneqarsinnaanngitsut ataatsimoortumik inatsisiliornerat” manna sisamanik aaqqiissutitalik Inatsisartut akuerissagaat. Aaqqiissutini pineqarput ilusilersukkamik imaluunniit nassaamik pilersitsisup ilusilersukkaminik imaluunniit nassaaminik atuinissaminut pisinnaatitaaffii, inatsisitut ataatsimoortut saqqummiunneqartoq.

”Uttorneqarsinnaanngitsut ataatsimoortumik inatsisiliorneranni” pisinnaatitaaffiit sisamat makku pineqarput:

- 1) Piginnittussaataaneq pillugu inatsisip allanngortinneqarnera
- 2) Nioqqutissanik ilisarnaasersuisarneq pillugu inatsisip allanngortinneqarnera

- 3) Ilusilersukkat pillugit inatsisip atuutsilerner
- 4) Atuinermi najoqqutassatut inatsisip atuutsilerner

Ilanngullugu makku pillugit siunnersuutininik saqqummiineqarpoq:

Inatsisartut akuerissagaat; Kunngaqarfiup Danmarkip iluani piginnittussaataaneq pillugu inatsisip tulluussarneqarnerata ingerlanneqarneranut ilanngullugu aningaasaqarnermut inuussutissarsiornermullu ministerip aalajangersakkat aalajangersinnaagai, uumassusilinni teknologiimi nassaat inatsisitigut illersorneqarnissaat pillugu nunat tamat inatsisaanni ilanngussatut illersuinissaq pillugu uppersaatait Kalaallit Nunaannut atuutilissasut. Tamakku piviusunngortinnissaat pillugu siunnersuut Finlandimik, Sverigemik, Norgemik aamma Islandimik suleqateqarnikkut suliarineqarpoq. Taamaaliornikkut piginnittusaaanermi inatsisitigut nunat avannarliit ataatsimoortarneranni ileqqusoq malinneqarpoq.

Nunani tamani nioqqutissanik ilisarnaasersueriaatsimi Danmarkip peqataaneranut atatillugu Kalaallit Nunaata peqataanissaminut tunuarsimaarnera atorunnaassasoq. Taamaaliornikkut nunani tamani nioqqutissanik nalunaarsuisarnermi Danmarkimut atuutsinneqartoq aamma Kalaallit Nunaanni atuutissaaq. Tamanna inuussutissarsiornermik ingerlataqartunut iluaqutaanissaa nalilerneqarpoq.

Nunani tamani ilusilersukkanik nalunaarsueriaatsimi Danmarkip peqataaneranut atatillugu Kalaallit Nunaata peqataanissaminut tunuarsimaarnera atorunnaassasoq. Taamaaliornikkut nunani tamani ilusilersukkanik nalunaarsuisarnermi Danmarkimut atuutsinneqartoq aamma Kalaallit Nunaanni atuutilissaaq. Taamaalisoqarpat atisanik ilusilersuisartoq Kalaallit Nunaanneersoq ilusiliani nunani allani tillinneqarnissaannut assilineqarnissaannullu pitsaanerusumik illersorneqartussanngussaaq.

Taamaalilluni uuttorneqarsinnaanngitsut ataatsimoortumik inatsisissat oqallisigisassanngorlugit Inatsisartunut ingerlatinneqarput.

Qujanaq